

**Pierre DE RONSARD, « Mignonne, alors voir si la
rose », in *Les Odes*, 1550-1552.**

À Cassandre

Mignonne, allons voir si la rose
Qui ce matin avoit desclose¹
Sa robe de pourpre² au Soleil,
A point perdu ceste vesprée³
5 Les plis de sa robe pourprée,
Et son teint au vostre pareil.

Las ! voyez comme en peu d'espace,
Mignonne, elle a dessus la place
Las ! las ses beautez laissé cheoir⁴ !
10 Ô vrayment marastre⁵ Nature,
Puis qu'une telle fleur ne dure
Que du matin jusques au soir !

Donc, si vous me croyez, mignonne,
Tandis que vostre âge fleuronne⁶
15 En sa plus verte nouveauté,
Cueillez, cueillez vostre jeunesse :
Comme à ceste fleur la vieillesse
Fera ternir vostre beauté.

¹ S'était épanoui

² Rouge foncé

³ Soir

⁴ Tomber

⁵ Mauvaise mère

⁶ Resplendit